



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.


About Google Book Search


Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>





600025766W





77

3.2.19

17573 d. 20.

FRANCISCI OUDENDORPII
ORATIO
DE VETERUM
INSCRIPTIONUM
ET
MONUMENTORUM
USU, LEGATOQUE
PAPENBROEKIANO,

HABITA

*In majori Academiae Lugduno-Batavae auditorio,
a. d. XXVII. Septembris. MDCCXLV.*



LUGDUNI BATAVORUM,
Apud SAMUELEM LUCHTMANS & FILIUM,
Academiae Typographos. 1745.

*M. Tideman,
18. Sept. 1821.
Dono
Clavij. Sleutius.
[Signature]*

FRANCISCO CHINESE
CITY
MUSEUM
MUSEUM


MUSEUM

CHINESE

MUSEUM

CHINESE

CHINESE MUSEUM



CHINESE MUSEUM

CHINESE MUSEUM

PERILLUSTRIBUS ET GENEROSISSIMIS

VIRIS

ACADEMIAE LUGD. BATAVAE

CURATORIBUS,

NOUVEAU EMO

COMITI DE BENTINK,

TOBARCHAE IN RHODON ET PENDREGT, EQU-
STRIS HOLLANDIAE ORDINIS MEMBRO, ET AD
SUMMUM BELGARUM FOEDERATORUM CONSES-
SUM DELEGATO, VNS AQUIS ET AGGERIBUS
RHENOLANDIAE CURANDIS SEPTEMVIRO, ETC.
ETC. ETC.

JOANNI VAN DE POLL, JCto.

CIVITATIS AMSTELAEDAMENSIS SENATORI, VI-
RO CONSULARI, ETC. ETC.

PAULO SEBASTIANO LE LEU
DE WILHEM, JCto.

TOBARCHAE IN BESOYEN, CIVITATIS ROTTE-
RODAMENSIS SENATORI, ET CONSULARI VIRO,
SUMMO AGGERUM SCHIELANDIAE PRAEFECTO
ET PRAETORI, ETC. ETC.

...EORUMQUE COLLEGIS, ...
NOBILISSIMIS, AMPLISSIMISQUE VIRIS,
CIVITATIS LEIDANAE CONSULIBUS,

JOHANNI VAN DEN BERGH, JCto,
CONSULI PRIMO, RHENOLANDIAE PRAETORI
SUPREMO, AGGERUMQUE EJUS, VIARUM ET A-
QUARUM PRAEFECTO, ETC. ETC.

ABRAHAMO HOGENHOUCK,
JCto, COLLEGII AGGERIBUS, VIIS, AQUIS RHE-
NOLANDIAE CURANDIS ADSESSORI, ACADEMIAE
QUAESTORI, ETC. ETC.

JOANNI VANDER MARCK, JCto,
ABRAHAMO ALENsoon,

UT ET

GRAVISSIMO, CONSULTISSIMOQUE VIRO

DAVIDI VAN ROYEN, JCto,
REIPUBLICAE LEIDANAE A SECRETIS, NEC NON
ILLUSTRI CURATORUM AC CONSULUM CON-
SESSUI AB ACTIS,

Orationem hanc, suaeque Studia

D. D. D. L. M. Q.

FRANCISCUS VAN OUDENDORP;

Heser. & Elog. Prof.

FRANCISCI OUDENDORPII
ORATIO.

MAGNIFICE RECTOR.

ILLUSTRISSE AC ACADEMIAE BATAVAE CURA-
TOR.

AMPLISSIMI, GRAVISSIMI LEIDENSIS URBIS
PRAETOR, CONSULES, JUDICES, QUIQUE IIS
A CONSILIIS ET TABULIS ESTIS, VIRI PRU-
DENTISSIMI, SPECTATISSIMI.

QUARUMVIS DISCIPLINARUM, ARTIUMQUE PRO-
FESSORES CELEBERRIMI, COLLEGIO ATQUE
AMICITIA MIHI NECESSARI, HONORANDI.

ACADEMICI TRIBUNALIS ACTA QUI CURAS, VIR
ORNATISSIME.

SANCTORUM ORACULORUM AC CERIMONiarum
ANTISTITES, SACRIQUE ORATORES DISERTIS-
SIMI, PLURIMUM VENERANDI.

MATHESEOS LECTOR ACUTISSIME, DEXTER-
RIME.

CONSULTISSIMI, EXPERTISSIMI, ERUDITISSIMI
CUJUSLIBET SCIENTIAE DOCTORES.

FRANCISCI OUDENDORPII

CIVES, HOSPITES, INCOLAE, ADVENAE CUIUS-
QUE ORDINIS, LOCI, AETATIS HONORATIS-
SIMI.

TU DENIQUE LECTISSIMA FLORENTISSIMI HU-
JUS ATHENAEI JUVENTUS, HUIUS AEDIS DUL-
CE DECUS, PATRIAE, ECCLESIAE AC PAREN-
TUM SPES ET VOLUPTAS, NOSTRA CURA,
NOSTRUM GAUDIUM.

Artes, quae ad humani ingenii cultu-
ram pertinent, communi sese cogna-
tione contingere, ac quodam necessi-
tatis vinculo cohaerere, sedula earum
meditatione cognoscant, quotidiano
exercitio experiuntur, solidisque ar-
gumentis probant; ac. suavissimam, etiam dissimili-
bus, concordiam, & quasi Musicam harmoniam sub-
esse, rectissime statuunt sapientes viri. Qui divina-
rum rerum sese dēdunt contemplationi, sacrorum-
que codicum & purae religionis interpretes habentur;
qui naturalis & civilis juris cognitione inباري;
ferentes decidunt lites, aut clientium patronos agunt;
qui humani corporis fabricam indagant, & millenis
morbis medicinam herbarum faciunt vi, mutuo non-
numquam auxilio sibi opus esse, vel certe Philoso-
phiae & Liberalium Artium adjumento se carere non
posse, ingenue confitentur. De his loquor, qui se-
vera lege doctrinam colunt. Istos, qui scientias, uti

libris vel cellularis instant artes, aut sola victus
 quaerendi, vel vano titulo superbiendi causa, impu-
 denter eruditorum sese immiscet gregi, nihil chro-
 nologicè, humanè, verè & literè, quæ sit, quæ sit, sed
 acerbè alienè, et detestabilem disciplinam nullam, & ex sin-
 gularum fortibus quæ plurimè, quibus latissimum
 siue doctrinae fundum irriget, ac fecundet, haurienda
 libenter agnoscit. Quotquot idemque rerum sunt per-
 titi, singulis simul, moralium salutem & felicitatem, suo
 quævis genere, & modo, adque conducere, & aliam
 alius ope in vicem indigere, sibi quæ promiscuè præ-
 stare operum, vix concludunt. Nam, quicunque
 nondumque atque extollenda, quam proficubatur,
 artis gratia, reliquas sibi dolo vituperare adortus, &
 deprimere conatus est, hominem istum non lenio per-
 orisse, sed ingenii luxurie indulgendo facunde lu-
 sisse, aut frigida & circumforanea garrulitate vocem
 protulisse, in illius existimetis.
 Quæ quædam sunt, nequaquam contemnenda, nobi-
 lissima quædam instrumenta, quæ quisque scientiæ
 sibi delectat, consummationi iudicat necessaria. Un-
 de omnes sunt accessaria, ac primo quoque contum-
 vili. Multo minus ad spectandum deinde, qui
 talia vel ad ingenium excogitant, vel indefessa indu-
 stria, & ex illis omnibus latibulis, anquirunt, vel an-
 quisita ad suum laborem, exoleant, perpoliunt, & in
 promptissimos præparant usus. Utrique si scientiarum,
 quibus operantur, perfecta cognitio tam ardua sit,

ut

8 FRANCISCI TUDENDORPII

ut eo eritentibus plurimum adminicula oporteat submi-
nistrari. Hanc in rem quum sine controversia, referri
debeat diffusissima, & per omnium fere disciplinarum
ambitum sese distendens præcatam Historiarum, Græ-
corum Latinorumque sermonis, rituum & ceremoni-
arum, atque humaniorum litterarum peritia, ejus adi-
piscendæ ergo multiplicia instrumenta & subsidia,
variaeque requiruntur artes, quas hic ankie confectari,
ne a proposito tramite deflectendi & aberrandi viam
panderent, supersedeo.

At, roget quispiam, Quo operosum adeo adpara-
tum? Ergone totum hoc studium intra vetustarum
gentium monumenta laud coercetur, hisque circum-
scribitur spatii, & plene atque omnino versatur?
Nec sane illud nego. Multum nihilominus animi falle-
retur, si qui crederet, celebrium virorum, qui divi-
nas olim humanasque res manu consignarunt, & po-
sterorum memoriae permiserunt, libris unice conti-
neri. Ut pleraque eo spectantia complectantur, ne-
quaquam tamen illis sufficiunt, qui secretiora & inti-
ma Antiquitatis adyta penetrare pertendunt. Ex enim
per longinquum tot seculorum decursum, per incen-
diorum aliarumve cladium injuriam, per barbarorum
vastationes, per scribarum inscitiam ac negligentiam,
vel ipsorum etiam auctorum vitium & incuriam,
aut temerarias audacium criticorum conjecturas, plu-
ribusque de causis effectum est, ut vel deperditi, vel

cor-

corrupti & interpolati, vel obscuri nobis libri non clarum
satis lucem permultis in rebus lectori praeferre que-
ant, & Antiquitatis studiosos tamquam nebulosa in
caligine micare sinant. Aliunde igitur petenda re-
media, aliunde mutuanda fuerunt instrumenta, per
quae malis istis succurri posset, atque historiarum hia-
tus & defectus aliquantum sarcirentur, incerta fir-
miorem invenirent fidem, obscura et dubia inlustra-
rentur, atque evaderent explorata.

Intelligitis facile, ut opinor, Auditores ornatissi-
mi, haec subsidia prae ceteris antiquariam esse su-
pellectilem, hucusque Temporis, omnium rerum
edacis, faucibus ereptam: Nummos, dico, inscrip-
tosque lapides, statuas, imagines, aliaque vetustatis
monumenta, sive doctas, vel daedalas priscorum
seculorum reliquias, ex quovis metallo, quavis ma-
teria fabricatas, & disiectis ac dissipatis prostratarum
urbium ruinis, terraeve matris sinu & visceribus
denuo erutas atque effossas. Quarum universarum,
singularumque venustam dignitatem & praestantiam
compluries decantarunt, ac nitidissimarum tabularum
sculptura lectorum oculis peramaene subjecerunt,
sensumque interiorem disertos per dialogos & elucu-
bratas reconditae eruditionis dissertationes dexte e-
nuclearunt viri, nummariae, lapidariae, totiusque
antiquariae rei scientissimi. Quocirca animum saepe
subiit admiratio, vel sic tamen hodieque insanire non-
nullos, qui maximum illarum usum elevare, &

Antiquarios, tamquam stultos & ineptos, ridiculos saltem, & scruta pro pretiosissimis rebus nundinantes homines explodunt, omnibusque differunt modis; ac ceteri parum, obscuritatis quamplurimum, idoneae fidei nihil ferme in lapidibus, signis, ac reliqua suppellectili inesse calumniantur. Nam numismatum auctoritatem, decus & utilitates adrodero amplius audet nemo: ex quo illa contra male sanas quorumvis vitilitigatorum obrectationes & despectum invictis argumentis vel unus adseruit incomparabilis EZECHIEL SPANHEMIUS.

At parem, si non maiorem, litteratis faxis & marmoribus laudem deberi, equidem arbitror, nullusque dubito; quin, si Spanhemiani ingenii dote, tantaque eruditione praeditus vir huic spartae ex professo ornandae facultates suas admoveat, eodemque vel simili pacto lapidum usum commendet [id quod eleganter nec inscite per Nummorum & Epigrammatum collationem Italice quandoque instituerat natalium fulgore, grandibusque de litteraria Republica meritis inclytus SCIPIO MAFFEJUS] numismatibus dubiam redderet victoriam, primamque iis palmam auferret.

Verum vel absque tanto propugnatore facta tecta manet veneranda vetustorum marmorum utilitas, eaque frequenter meditandi necessitas, quam detractabit nescius; nisi qui illorum pretium ignorat. Ad id quod attinet, persuasissimam habeo, & nihil fere

fere in elegantiorum disciplinarum studio sine horum monumentorum ope profligari posse, ac nullam dari scientiam, cui Epigrammata lumen non adfundant, contendo. Quamquam ego, qui meae tenuitatis tam gravi argumento, ut decet, sustentando perquam inbecillae conscius sum, nunquam me, primum forsitan, in suggestu talem suscepturum esse causam, cogitaveram. Sed quo naturaliter non inclinabat animi libido, eo nostri Athenaei, per insignibus huiusmodi monumentis ex Amplissimi P APEN- BROEKH testamento nuperrime ditati, felicitas impulit me haud invitum. Etenim, tametsi Antiquariae rei Professor publice non audiam, Eloquentiae tamen, mihi demandatae, partes, nostrique ordinis honor postulare videbantur, ut egregiam viri liberalitatem pro sollemni concione officioso encomio sponte celebrarem, ac simul splendidam illustrium Academiae Septemvirorum de hoc legato curam & magnificentiam grata mentis orisque significatione decorarem.

Hac idcirco occasione haud inopportunum neque injucundum putavi, prius de fructibus, ex lapidearum priscae aevi reliquiarum studio percipiendis, pauca disputare: nam cuncta in earum laudem congerere, voluminum aliquot opus & labor foret: eo cursim, quantumque compendiosa minus horum oratio permittat, utilitates & commoda perstringere, & sic huius ipsius legati laudem quodam modo demonstrare

decrevi. Quod vobis, Auditores humanissimi, non displicendi spe atque opinione, dum ago, patienter & intente ut mea verba excipere, benevoleque animo & aequo iudicio adesse mihi velitis, rogo quae-
foque.

Ut autem ordine procedat Oratio, ab Graeci-Latini-que sermonis elementis, quibus plurima constant Epigrammata, dicendi principium est deducendum. Etenim qua figura formaque litteras, e Phoenice cum Cadmo in Graeciam adlatas, exararint, quot, qualibusque modis adhibuerint, quam scribendi rationem & normam secuti, quibus numeralibus notis, quibus signis & characteribus usi sint vetustissimi Cretes, Aeoles, Iones, Dorae, Achaei, Attici, Latini; quantas variationes haec omnia, temporis per tot seculorum seriem progressu, sive vulgari ex usu, sive grammaticorum placitis subierint, quantumque hinc discrimen inter antiquarum & recentiorum aetatum scripturam subortum sit, an quisquam opinetur, aliunde edisci posse, quam ex nummis partim, partim & quidem multo luculentius ex contentis in duro quovis lapide monumentis, seu paginis (liceat sic adpellare) marmoreis? Quippe litterae vocesque suapte natura firmae permanent hic, eodemque ordine sincerae, & in aeternum retinent suas, quibus excavatae fuerunt, lineas & autographos ductus: dum relictæ in caudice, papyro, membrana, bombycinis vel linteis chartis ex-
em-

emplaria a manu librariorum, vel criticorum prurigine atque arbitrio pendent, ac, quoties describuntur, mutationi sunt obnoxia, adeoque istis perparva vel nulla fides in scriptionis tenore tribui potest; summa vero lapidibus habeatur, necesse est. Quid! quod nullus calamo exaratus codex mille & trecentorum (si quidem tot) annorum superet aetatem: quum saxae Inscriptiones numero crebrae, & rerum materia praestantissimae, Graecae, Latinae, existent; quae, non dico, ad altiore & venerabiliorum adscendunt vetustatem, sed permultis ante natum orbis Servatorem & continuis seculis confectae, atque iisdem circa locis, quibus extruxerat Antiquitas, plurimum dehinc repertae sint. Uti aoverunt, quotquot in re litteraria non plane hospites, omnisque antiquitatis sunt rudes. Neque enim metuo, ne vestrum cuipiam adridere possit absurda prorsus famosissimi J. HARDUINI sententia, somniantis, plerasque omnes Inscriptiones ex membranis longe posterioris aevi, itidem scilicet, si Dis placet, spuriis, in marmora & lapides esse traductas. Si quae sunt, ut certo sunt, subposititiae, & a lucripetis ffordidi quaeustus gratia, vel a male feriatis hominibus, ut suos turpiter deciperent aequales, adulteratae, istae in aliarum comparisonem nullum numerum faciunt, ac suis se notis & indiciis, ut forices, brevi falsisque nummis ocyus, produnt.

Praetermitto, quam multa de litteris, syllabis,

vocibus, formulis & antiquato scripturae, eloquii, quae more in utriusque linguae auctorum & grammaticorum inveniuntur dictatis, quae sine marmorum titulorum subsidio & ope vix intelligere queat ullus. Taceo, per eosdem utramque linguam plurimis verbis, quae frustra in libris quaeras, auctam, earumque pomperia prolata. Sileo, optimam Romani sermonis orthographiam, prae lubrica ejus in codicibus vacillatione, lapidibus totam deberi, & ad illorum, quotquot spectatissimae bonitatis ac fidei sunt, formulas instituendam esse. Innumera hic coacervare in proclivi foret. Sed tam illis, quam exemplorum turbae, ne grammaticalibus, ut ajunt, quisquiliis taedium pariam, parco: vobisque, Auditores, haec de Helladæ Latiique dialectis satis sint dicta; si quidem supersunt majora. Quid enim? Nonne multarum linguarum, quarum notitia nullis in membranis chartisve comperitur, memoria per fidelissimos hosce, & commissi tenacissimos Antiquitatis internuncios est conservata? Testes sunt nobilissimae aliquot inscriptiones Palmyrenae. Testes creberrima Etruriae monumenta, ex quibus priscas Lydorum Tuscorumque populorum litteras & casum sermonem, penitus aliter intermortuum, resuscitarunt, atque una cum illis abstrusam vetustissimarum rerum copiam revelarunt & explicuerunt, atque etiam nunc earum satagunt Italorum laboriosissimi. Testes denique, ut alias barbarasque

que gentes silentio praeteream, Aegyptiacae sunt columnae, & sacri cippi, mensaeque, hieroglyphicis sacerdotalis linguae figuris omni ex latere oblectae; in quibus non solum Niloticae nationis ceremonias, mysticumque deorum cultum, sed etiam fata ac veterum regum & dynastarum historias contineri, eaque marmora sacratissimos Aegyptiorum fuisse commentarios, haud sine magna veri similitudine suspicantur viri, quos eruditus jure merito veneratur orbis.

Sed quid diutius his vel levioribus vel obscurioribus immoramur? Alio potius nostra se convertat Oratio, & quos, ad Ethnicorum superstitiones, ac civilem, tum publicam, tum privatam, & militarem vitam pernoscendam, usus commodent litteris signisque figurati lapides, raptim, quantum pote, percurramus. Ac primo liquidissimam auctoribus faciunt fidem, eorumque de singularibus deorum deorumque titulis ac nominibus testimonia evidentissimis documentis corroborant, & perspicua claritudine subfundunt. Nec vobis id videatur mirum: quam Graeci Latiniq; scriptores ad ipsos illos lapides, qui vel ante ora oculosque praesto suere, vel mentibus inhaerebant, persaepe adhaerunt. Ut omittam cognominum exaggerationem, quae, sicuti in hymnis, ita in marmoribus spissim conglutinari solent. Exemplo sit ponderosi saxi, olim in Trajectino magni GRAEVII horto nobilitati, nunc hic ad finistram

strum Academici vireti latus ad cubantis, Epigraphæ
 IOVI OPT. MAX. SVMMO
 EXSVPERANTISSIMO.
 SOLI INVICTO APOLLINI.
 LVNAE DIANAÆ. &c.

Ad hæc, quam multos tutelares daemones, quique certis regionibus, urbibus, silvis, montibus, fluviis, maribus, viis, domibus, hominibusque præsidere fingeantur, utriusque sexus genios, Lares ac Penates, ignotosque deos, divasque matres, quorum nulla mentio veterum scriptis inseratur, hicprehendimus fuisse cultos? Quantum itaque ad nefandas paganorum religiones & perversas de divinitate opiniones indagandas inserviant saxa, ecquis non sentit? Jam diis divinisque personis naturalis rerum ordo & copula subjungi flagitat sacerdotes, pontifices, augures, flamines, & nescio quibus nominibus discretos, sacris faciundis viros, feminas, eorumque collegia, fraternitates, sodalitia, ministeria. Profecto de his non pauciora in marmoreis, quam chartaceis monumentis offendas. Et quid? si nunc ipsa numinum ac sacrificulorum simulacra, suo quodque habitu & forma, suis quodque ornamentis, & cultus vestitusque insignibus, ac sacris Musicisque instrumentis, quæque in singulorum deorum tutela erant, bestiis & arboribus, per summorum artificum dextram expolita, atque jam olim ab ipsis potentibus Romanis avide corrasa, nec
 sine

fine sacrilegio saepe sedibus suis ac sacrariis subrepta, & ad poetarum ac Christianorum, qui vocantur, patrum intellectum atque interpretationem mirum quantum facientia, recensere; si templa, aedes, sacella, mensas, aras, signa, bases & donaria, quorum vel meminerunt, vel quae ipsa sunt lapides, referre; si publicorum & privatorum votorum, consecrationum, dedicationum, donationum & gratiarum formulas enumerare vellem; unde initium sumeret, ubi finem inveniret Oratio? Myriadum aliquot haec est frequentia. Quum vero ad multiformia Ethnicorum sacrificia conjiciamus animum, per utros judicetis, Auditores, hic certiora vos doctum iri? auctoresne, qui solis ea verbis descripserunt? an marmora, in quibus eodem, quo peragebantur, modo, per artificiosa toreumata vive repraesentantur? Quid? quod Arvalia sacra, & Mithriacorum, Tauroboliorum, pluriumque mysteria sic fati etiam nunc occulta forent, nisi inscriptionum & anaglyphorum subsidio in publicum essent protracta. Nec minor harum reliquiarum usus circa feriatos dies, in marmoreis quoque Kalendariis notatos; item festa, ac ludos in circo, theatro, amphitheatro, quorum stupenda adhucdum suspicimus rudera, exhibitos; nec non sacros agonas, & illorum curatores operariosque versatur. Religiosa tandem vasa, sanctamque suppellectilem, quarum rerum gentinam speciem mente concipiet, aut sibi formabit nullus; nisi

si qui pictas fictasve praesens viderit, ut fironum a-
reis exactissima cura delineatam passim comense nobis
ac contemplari datur.

Atque hic sat amplo de sacris & cernoniis, per
marmora conspicuis, sermoni terminum ponere con-
stitueram. Sed revocat me memor defunctorum ho-
minum, deorumque Manium cogitatio, & sepulcra-
lium titulorum respectus. Namque religiosas inter
res, mortalium contestationi exemptas, nec temere
umquam profanandas, politioribus gentibus, Italis
praecipue & Graecis, habita esse sepulcra, cinerum-
que sedes & domos sacellorum ad similitudinem ho-
noratas, ac veneratione paene divina adfectas fuisse,
vestrum neminem fugit. At quam immensus decla-
mandi sese hic aperit campus? Quam fertilis adcu-
mulandae materiae exurgit feges? Funeratus enim
veterum, qualiscumque aetatis, sexus, loci, infima-
nisi de plebis faece, ferme est nemo, cujus urna,
bustum vel conditorium, quo cinerea integebatur
olla, non aliquo elogio, sive privatim, sive publi-
ce, fuerit ornatum; cujus Manibus inferiae non sint
oblatae. Hinc tot ubivis sepulcrales arae, tot men-
sae ferales, tot bustuariae aediculae, nominibus ti-
tulisque praesignes. Hinc denique millia centena
inscripta marmora, e quibus piam antiquorum mor-
tuis erga magistratus, parentes, liberos, propin-
quos, adfines, necessarios, hospites, sodales &
collegas, discimus consuetudinem; ac super omnia
lau-

laudabile enitet studium, suam reverentiam, luctum, affectionemque tam tenerrimis carminibus, quam prosa eloquentia declarandi, & sepulcorum memoriam, quantum in ipsis erat, propagandi. Ex iisdem, quae fuerint pleraeque leges, jura, cautiones, execrationes, & quodcumque ad sepulcra, seu priva, seu toti familiae aut gentilibus communia essent, non violanda, umbrisque aeternam quietem parandam pertinet, pervestigare licebit Jurisconsulto. Ex iisdem veterum Christianorum, quique pro vera in Jesu fide, ac sanctissima persuasione diram perpassi sunt necem, sepulturae & depositionis ritus, tumulorum & epitaphiorum aenigmata, atque emblemata, marmoreis lamellis, vel pretiosissimis & anaglyptico opere adfabre elaboratis arcis incisa, ac Romae aliorumque oppidorum suburbiis, coemeteriis & hypogeis extrusa, Ecclesiasticarum rerum indagator adfatim docebitur. Vel solam evolvatis, obsecro, subterraneam PAULI ARINGII Romani. Verum enim vero a sacris ad profana tandem transgrediendi tempus est. Quantae hic utilitatis sint lapides, ostendunt tot majorum minorumque magistratum, dignitatum, honorum, munerum, officiorum nomina, quibus vel in Graeca Romanaque republica gerenda, & in municipiis, coloniis, provinciis regundis, vel in augusta Imperatorum domo, seu palatio administrando perfundi fuerunt cujuscumque ordinis & conditionis viri. Monstrant tot aedificia,

tot moles, locaque publica, in lapidariis residua fragmentis. Evincunt tot pagi Attici, tot tribus, tot regiones urbanae vicique, quorum superstes nobis cognitio marmoribus tantum non est adscribenda. Sive ad privatam respicere vitam dignemini, variae professionum, artium, negotiationum, mercaturae, opificiorum species, quaeque iis propriae sunt formulae, & instrumenta vos poterunt detinere; varia, collegia & sociata ad omne quaestus lucrique genus corpora vestram curiositatem vel exercendo vel fatiando eruat. Sive rem antiquorum vestriam scire cupiatis, copiosissimos ejus paratus a capite ad pedes in obtutum vobis sistunt opera anaglypha, statuae, effigies, signa. Nam cetera utensilia omni genasque domesticorum vasorum picturas, ne longior sim, non tango. Sive illustrium virorum & familiarum nomina, stemmata & insignia contexere ac digerere lubeat; unde, quaeso, luculentiora subsidia comparabitis, quam ex refertissimis Epigrammatum thesauris? Seu magis Imperatorum, diis aequiparatorum, Caesarum & Augustarum ambitiosissimos titulos, & ad fastidium usque non raro cumulos, per quos illis belli pacisque arbitris, illis orbis rectoribus & dominis adulati sint cives, focii & provinciales, admirari vel deridere velitis, non minus argumenti vobis subpeditabunt lapides, quam libri & numismata; hisque postremis clarius multo, & majore verborum complexu istos exhibebunt. Ne
nunc

nunc de ipsorum aliorumque principum, ac tam ingenio & doctrina, quam fortitudine & potentia excellentium virorum faciebus, capitibus, & simulacris loquar, quae, raritate & pretio cariora, aequè jactant & magnificentiore cum pompa ostentant marmoreae, quam aureae, argenteae, aereaeque reliquiae. Quamquam hac in parte saepe fucum facere, ac subdole nugari antiquarios, ignotis vultibus inclyta inponentes nomina, haud nescii simus.

Porro si sacra, si funebria, si civilia instituta tantum splendoris, tanta commoda ab hisce saxis foenerantur, quanta ex iis bellicae & militaris rei, tum pedestris, tum navalis, studium lucrari non existimetis? Tot enim ubivis terrarum lapideae comparent inscriptiones, quae frequentem nominum rerumque, in Graeca & Latina militia obviarum, memoriam uberemque notitiam inculcant, numeri ut ratio non queat iniri. Tot in illis navium, armorum, machinarum, signorum, vexillorum conspiciuntur figurae, ut in auctores, qui de his parum, utpote sua aetate tritissimi usus, vel nobis nunc minus dilucide scripserunt, commentariorum vicem millies fungantur. Immo si ad inferiora Romani imperii tempora mentem adplicamus, oppido crebriora de vexillationibus, aliisque armatorum corporibus, plura de majoribus ducibus, minoribusque praefectis & gregariis militibus, certiora de armamentariis, castrorumque officinis, magisque diversa saxis & co-

lumnis insculpta legas, quam scriptis testata. Quoties praemia ac donativa, coronas, hastas, torques, phaleras, armillas; quoties militares dilectus, gradus, ac Martialium virorum elogia, honestamque missionem haec commemorant, grandia saepissime, monumenta, tropaeorum ad instar illis dicata, vel per ipsos gratiarum ergo imperatori aut praesidi statuta, & quoquo versus bellicosissima gens per tres orbis terrarum partes victricia arma circumtulit, hibernisque confedit, dispersa? Considerate, precor, quantum per haec omnia lumen actorum veterum scriptoribus succendatur: quot salebrosa loca hinc levia & perceptu facilia reddantur.

Quid aio? Ipsae historiae ex militaris rei lapidibus integerrimum veritati praesidium firmissimumque columen parant, sibi que candidam contrahunt lucem. Quidquid de exercituum, legionumque viribus, quidquid de superi inferique maris classibus praedicarunt auctores, valido tibicine suffulcit, atque confirmat marmorum robur. Haec distincte nobis instrunt triginta, quarum catalogum, sed mendis haud vacuum, concinnavit DIO CASSIUS*, legiones, earumque multiplicia cognomina ac membra millenis locis producunt. Haec regiones, oppida, colonias, pagos, castella, in quibus nunc hic, nunc illic pro mutabili temporum & expeditionum ratione per aliquot secula hibernarunt, ac praesidia obtinuerunt Romulei nepotes, nobis designant, atque haud exiguum antiqui-

* L. LV. p. 564.

significatis constitutum partem, hucusque nondum ferio, nec decore, quod miremini, pro materiae pondere, copia & varietate ab hominibus, eam percallemibus, tractant aut inustrant. Haec multorum actuum bellicorum, multarum victoriarum, multorum triumphorum sunt indices & indubitatae fidei testes. Vestram ego, Auditores humanissimi, attentionem facis minutioribus adnumerandis non defatigabo. Annona mihi adventare Capitolinos Fastos, & tot splendida tropaea, tot superbos triumphales arcus, tot fornices portasque insignes, tot altissimas columnas, tot caelo educas pyramides, quibus praefatae terrae marique gestae res manifestae in futura secula characteribus ac figuris ex Scto enarratae & descriptae sunt, eo ipso in tempore, quo immortalam laudem fortissimi meruerunt Heroes. Nonne C. Duillii de Poenis, Titi Vespasiani de Iudaeis, Aelii Trajani de Dacis & rege Decebalo, M. Antonini de Sarmatis pluribusque ferocissimis nationibus victoriae multum augustiore modo aere manent? Nonne libentius, & omni suspicionem remota, plenius creduntur, quod illorum strenua opera, currus & spolia visu, haud fallaci, lustrare & admirari licet, quam si ex implicita historicorum, magna quorum pars his ipsis de rebus manca est, aut perit, relatione sola ad posteritatem essent transmissa? Verum dum liberius hic meam vocem diffundo, & ad tam secundum flatum sermoni vela inmitto, litora

ra me deseruisse, & in vastum historiarum oceanum sentio esse provectum. Illum igitur ut enaviget, inque tutum se recipiat portum Oratio, providendum est. Quare cursu, quam potero, citissimo defungar. Et eo quidem magis, quod, quantum historicae fidei & claritati faxea consulant Epigrammata, aliquatenus ex supra dictis adtento potuerit liquere. Illis itaque praetermissis, recognoscite mecum, diligenterque perpendite, quot passionum formulas, quot foederum, inter urbes populosque icitorum, exempla, quot regum, gentium, oppidorum, collegiorum scita & decreta, vel civiles militaresque actiones, quot togati populi Scita, quot Imperatorum constitutiones, quot optimorum virorum virtutes & facta, de quibus vel paucissima libris interspersa & hiulca, vel nihil occurrit, hi lapides, tamquam tot publica tabularia, nobis adservent, omnibus litteris nonnumquam nec vetustate exesis, nec forte quadam fractis integri, certe temeraria culpa haud depravati. Quot quantique momenti de antiquissima historia particulas, nationum ac civitatum fata statumque indicantes, quarum notitia per scriptorum jacturam vel penitus interciderat, vel tortuosis tegumentis involuta delitescibat, horum marmorum beneficio productas & restitutas nunc denuo legimus? ac dubio procul legeremus plura, quae nobis adprimum mira accederent; si vel Muhametana superstitio ac barbaries cuncta ruinis adhuc submersa proferri concedere-

cederet, vel non invideret Fortuna. Si qui fidem mihi deroget, in consilium adhibeat quamplurimas inscriptiones in Asia minore, Graecia, variisque illius insulis, Aegypto atque Africa erutas, & vel ipsas in Europam advectas, vel per Anglos inprimis Francosque vulgatas. Adeat Italica, Gallica, Germanica, ceterarumque nostri orbis regionum monumenta, quae ipsi ab historias & antiquitates ruspantibus viris suggeri queunt, mehercle numerosissima. Nam prudentissimus vetustiorum hominum mos & perpetua tulit consuetudo, ut publica acta tabulis, sive aeneis sive marmoreis, promulgarent infixas. Hae ipsis soli erant memoriales libri, hae fide digni annales. Tales Sethidarum de astronomicis observationibus, Sesostris de gloriosis in Septemtrionem excursibus, Cananitarum a Josua expulsum, & in Tingitanam usque Mauretanium profugorum, Bacchi de Orientis triumpho, Herculis de Occidentalibus victoriis manubiiisque tabulas pilasque praedicant (verene, an falso, ipsi viderint) JOSEPHUS, PROCOPIUS, HERODOTUS, DIODORUS Siculus, STRABO. Tales Patriarchae Jacobi, per quos divinam Bethelae visionem, pactumque cum Labane foedus celebrari voluit: tales forsan Israelitarum apud Gilgalem sculpti lapides, item Absolonis fuit manus. Tales supra memoravi Memphiticas columnas. De Legum enim apud plerosque populos aere vel marmore, praeeunte ipso numine fu-

D

pre-

premo, incidendum ritu, diuturna per tempora gravissimas ob rationes retento, loqui supervacuum arbitror; aliaque, hodiernum quoque vigentia, praetergredior complura. Quid! quod totum exēdium Trojanum etiam nunc Graeco, in lapide expressum videmus legimusque, ut docet *Iliados* apud **FABRETUM** tabella; quod universam Caesaris Augusti vitam, ab ipso, ut conditi a se imperii successoribus in specimen relinqueret, compositam nobis vestibuli Ancyranæ aedis parietes custodiverunt. Haec causa est, cur vulgo ad lapideas ejusmodi paginas, tamquam ad idoneos & probatissimos fidei iussos, provocarint, iisque fundamentis stabilem ac sempiternam auctoritatem inaedificarint historiarum architecti, **MOSES**, **HERODOTUS**, **THUCYDIDES**, **POLYBIUS**, **DIONYSIUS** ab Halicarnasso, **DIODORUS**, **LIVIVS**, **PLINIUS**, **PLUTARCHUS**, alii. Ad haec priscorum Grajorum documenta collustranda & consulenda **PAUSANIAS** totam Graeciam peragravit. Hisce colligendis jam Ptolemaei Epiphanis tempore Helladicus insudavit **POLEMON**, *mylonides* cognominatus. Idem institutum ex antiquis tenuerunt **EUHEMERUS** Siculus, **PHILOCHORUS** Atheniensis, **ARISTODEMUS** quidam, & **NEOPTOLEMUS** Parianus, qui deorum, vel Atticas, Thebanasve inscriptiones, aut omnis generis epitaphia e templis, fanis, tumulis convasarunt. Quid! quod Medicinae parem **HIPPO-**

POCRATES atrocēs morbos eorumque remedia votivis ex tabulis, **Aesculapio** & **Hygiae** suspensis, se didicisse professus est. Sed quorsum me dicendi aestus abripit? Satiū, ne destinatam praevehar stationem, vela contraho. Habent hinc, quod gaudeant veri priscarum rerum consignatores. Sic enim post tot secula illorum candor & doctrina elucet. **CORNELII TACITI**, & nostratis **COLINI** fides, de artilissima Batavorum cum Romanis societate & amicitia, nonne egregie stabilitur glorioso, & ad priorum virtutem adaequandam nos quoque posteros instigante, monumento? cujus epigraphe, velut in monili gemma, in novo radiat legato,

GENS

BATAVORVM

AMICI ET FRATRES

ROM. IMP.

Sed & habent, quod pudeat, falsarii. Sic enim illorum malus dolus vel imperitia innotescit. Mago **SIMONI**, ut **SANCTO DEO**, statuem Romae ad Tiberim non fuisse erectam, sicuti quidam Ecclesiae hallucinantur patres; sed **SEMONI SANCO**, **DEO FIDIO**, sive **Herculi**, liquido arguit in Tiberina insula situs lapis. Duodecimam legionem, Christianam quasi vero, nequaquam ob fulmina & pluvias suis precibus a caelo inpetratas, **FULMINATRICEM** esse dictam; verum diutissime ante **Marci Antonini** aetatem sic vocatam, ex epigrammatis constat.

D 2

La-

Latius nunc edissererem, quas vires in posterioribus, & mediis, ut dicitur, aevi temporibus, ac remotissimis a Roma terris, quibus vel nulli, vel rariores, vel incitiores, ac tantum non barbari annalium & vitarum confarcinatores exstiterunt, res exserat lapidaria. Sed jamdudum vereor, Auditores, ne vestras aures nimia laedam loquacitate. Ad hoc Chronologia & Topographia, lucida illa historiarum fidera, deposcunt, ut paucula de se scitu necessaria subnectam. Quippe in temporum ratione accurate computanda, in veteris orbis situ, ac permultis regionibus urbibusque cognoscendis plurimum pollet, regnatque inscriptionum virtus. De gravissimis antiquissimae Graeciae momentis, & primariis historiae articulis nonne multis partibus plura explanatius expedit unum Parium sive Arundelianum inter Oxoniensia marmor, quam omnes fere libri, asperis spinis & sentibus operi, infinitisque salebris praepediti? In hoc enim a Cecrope usque in Alexandrum Magnum Hellados, origines, instituta & fata, regum & Archontum successiones, regnorum ortus & interitus [ut de caeremoniarum, rituum, artiumque inventionibus, de primorum poetarum & philosophorum natalibus nihil dicam] tam bene digesto ordine exponuntur, ut sua singulis rebus hominibusque non aetas tantum; sed & quibusdam annus, mensis diesque adsignentur. Archontum Athenis, Regum, Ephorum ac Seniorum Lacedaemone, Consulum,

sulum, Dictatorum, & Magistratum Romae, negotiorumque sub illis gestorum fastos & annales, item cyclos Christianorum paschales, nonne coaptare, disponere, corrigere, emendare, subplere, & intricatissimos ubique nodos dissolvere praesenti litteratorum saxorum auxilio necesse habuerunt Chronologicae scientiae Coryphaei? Nonne Imperatorum aetates, tribunitiae illorum potestatis annis, & quinquennalibus, decennalibus, vicennalibus votis, per epigrammata non secus ac nummos adnotatis, exigi ac definiri debuerunt? Urbi & Praetorio tum in Occidente, tum Oriente praefectorum, suo cuiusque tempore collocandorum, continuam seriem confuendo, quis par est? nisi eadem sibi in adiutorium advocaverit. Sciunt haec sacris istis initiati, cunctaque abunde adstruxerunt SCALIGERI, SELDENI, USSERII, PETAVII, BARONII, CASSAUBONI, ONUPHRII, PIGHII; NORISII, PAGII, SIRMONDI, RELANDI, MASSONII, centumque alii, quos praeterita duo secula nostraque aetas tulere.

Ad Geographica vero quanto opere valeat laudatum toties studium, cui vestrum potest latere? Simulac celeri quantumvis cogitatione in loca divagetur millena; quibus per totum Romani orbis imperium, cum ante, tum post ipsius magnitudinem, sunt posita haec saxa. Si adtendat, quot singularibus populorum, regionum, urbiumque nominibus, quae

aut nusquam in libris, aut mendose comparent, insignita sint: unde partim veram vetustorum locorum appellationem, celebritatem & fata, partim recentiorum eorundem, vel novorum, quae deficientibus prioribus succreverunt, denominationem, istiusque vicissitudinis momenta causasque adprehendamus. Millarii, quibus passuum numeros, ac mansionum aut nobiliorum civitatum intervalla, vel ultimos regionum terminos in militaribus viis denotabat Rhaeae foveoles; nec non legionarii hibernorum lapides, & figlina opera laminaeque ad antiquos situs, distantiamque investigandam quin valde prosint, ecquis ambigere animum inducet? Illustri sit documento vel sola Germania inferior, nostraque Batavia. Namque illam his utriusque speciei praeter cetera monumentis, e quibus priscam patrii soli conditionem, locorumque positum & ingenium sagaciter explorare, ac deformare haud irritò comatu tentavere nostratis Geographiae studiosi, non esse pauperem, ecquis ignorat?

Atque ita emenso, quem mihi proposueram, cursu, marmoreorum titulorum praestantiam, utilitates, ac necessitatem, mira cum jucunditate & delectatione, quae per se patet, conjunctam, satis superque, ut fallor, praedicavi; seu potius curta in tabella rudiore penicillo earum lineamenta duxi. Statuarum nunc & simulacrorum majestatem usumque, de quo nonnihil submonui, copiosius commendare ferret voluntas.

luntas. Sed horreo, quae defluerit, vestraeque patientiae consideratio memet inhibere, ac reprimere me iubet. Hic immo refectus intra humaniorum litterarum cancellos, gymnasia me concludam, perque diversa exspatiari, aut frugum a sublimiorum doctrinarum sedatoribus, hisque, qui naturalium rerum miracula scrutantur, ex vetustorum monumentorum perni depromendam persequi velit recensum. Eo igitur revertatur, unde ingressa est Oratio.

Tot tantaque emolumenta quum ex his lacerae Antiquitatis fragmentis veniant, & in aequos ejus admiratores congerantur, protinus post dispulsam barbariem, & crassae, quae per aliquot secula major Europae pars, velut Cimmeriis tenebris obrita, squaherat, ignorantiae noctem haec commoda praecipuum retens illuminati viri, delibatumque tantarum humanarum gustum cum Romanensis Ecclesiae Pontificibus, & potentibus Italorum rerum dominis, qui ejectas in exilium a Turcis Musas liberali hospitio susceperant, communicant. Non pauci ex his, blanda novarum scientiarum vi & dulcedine capti, evaserant litterati viri, erantque maximi doctrinarum & eruditionum fautores. Quapropter illis aurem facile praebuerunt, nec curis sumptibusque pepercerunt, quin ipsorum studia his adiumentis promoverent. Hinc hico ex miserandis profundisque Italiae urbisque Romanae ruinis inscripti lapides, statuae & imagines pe-
nitus s

nitus extrahi, ac quasi ab inferis excitari, aut indigne jacentes subrigi, & instaurari coepere. Missi sunt per varias orbis plagas, qui antiquissima rudera ubique excuterent, ac marmora, litteris notata, perscrutarentur. Quis omnibus primam gloriam praecepit numquam satis digno praeconio prosequendus CYRIACUS Anconitanus. Et quo plura detegebantur, eo major adfulgebat utilitas, latiusque dimanabant & Inventorum & Principum, quibus haec cordi erant, laudes. Hinc, percrebrescente studio, finitimi quoque succendebantur, ultraque Alpes, quas dudum eruditionis transcendebat fama, procurrit cernendarum inscriptionum ardor, ac paullatim multi reges, principes, sacri ordinis purpurati & dynastae, quarumdam etiam urbium magistratus palatia, domos, curias, & aulas tam pretiosa suppellectile replendi exornandique cupiditate flagrabant, & iteratis saepe vicibus trans maria & terras delegarunt doctos, ut quovis labore, quavis mercede, pretiove illam nanciscerentur. Ex quibus idcirco cumque locis avelli, tolli, asportari haec spolia quiverunt, in superba atria, splendidas porticus, ac suburbana praedia villasque recepta, & luto muscoque detersis, in curiosorum exposita sunt conspectum. Talium hinc armamentariorum plena nunc est Italia, abundans Gallia, dives Britannia, & minime expers Germania, Hispaniaeque. Sed quum sis quoque eruditorum commercio manerent diremta, quorum cru-

me-

menae, munerumve, ac vitae ratio non patitur eorum perlustrandorum causa in exteras abire regiones; unde sua plurimorum moles, vel incubantes iis domini transportari prohibent: ad aere sculpendi & typographiae auxilia confugerunt, & quaevis marmora per chartarum, quibus nullae viae sunt interseptae, beneficium universo orbi impertiverunt, quique de Graecis Romanisque litteris bene studuerunt mereri. Quot quantaque ex illo tempore inscriptionum cum suarum arearum iconibus, ac statuarum, ceterique ex antiquitatum naufragio salvi adparatus Collectiones, Thesauri, Musea, Syntagmata, Corpora & Voluminum turbae in lucem prodierint, si indicem formare; & editores a JACOBO usque MAZOCHIO ad hodiernos GORIUM, MURATORIUM, aliosque nobiles antiquarios pro meritis laudare vel vellem, vel possem; dies, nedum hora, argumenti copiae deesset. Etenim, ut hydropicis ab repetito liquoris hau-
 stu crescit sitis, ita suam viri docti prae hac monumentorum abundantia nondum restinguere, aut sedare valuerunt. Contra vehementius quotidie exardescit; tum quia continuis telluris emolitionibus passim suboriuntur nova; tum quia sexcenties adparuit, archetypa minus examussim expressa, nec fideliter fuisse publica: mutuaque sibi litterati ac pecuniosi homines operam certatim tradunt. Quaecumque enim hi sollicite atque animose colligunt, alacriter illi & sollerter interpretari elaborant: atque hoc pacto subinde ad-

E

auge-

augetur, magisque se intendit historiarum & antiquitatum lumen.

Hiscæ omnibus de causis exciti dudum, ac generosa æmulatione inflammati sunt nonnulli quoque nostratium primores, honoribus florentes, opulentique viri: qui inpenfarum non parci, per Italicas aliarumque terrarum peregrinationes, aut amicorum, mercatorumque, istic & in Asiae Graeciaeque oris degentium, opera usi, haud contemnendam talium reliquiarum portionem suâ in Gazophylaciâ recondiderunt, & indigenis alienigenas lapides inmiscuerunt. Quid ego vobis hic SIXTINOS, REYNSTIOS, SIXIOS, WITSENIOS, HEIDANOS, WITTIOS commemorem? Quid CUPEROS, WILDIOS, NEUVILLIOS, ULENBROEKIOS, quid alios, quorum in Museis frequens hæc splenduit supellex; laudem? Quum autem post illorum obitum institutis identidem ea divendebatur auctiõibus, & sic membratim distrahebatur, permagnam partem suo sibi aere vindicavit honestissimo sanguine & vetusta stirpe prognatus, GERARDUS PAPENBROEKIUS, Amstelædamentis civis, patriæque in urbe sanctissimus plus semel Judicum præsides, atque antiquariae doctrinae & eruditorum amator cultorque. Is hæc monumenta justo aestimans pretio, reliquit nihil, quo illis grande conciliaret decus; atque illustris PAAUWII exemplo, qui Heemstediam propter Harlemum arcem egregiis veterum artificum operibus olim
sic.

fic instruxit, suam villam Papenburgiam, quam ad Velsenum habebat satis lautam, illis honestavit, amplaque in porticu, vel spatiosos viridesque per xyftos apte disposuit, & crebro novis aliunde accessionibus hunc thesaurum locupletavit. Verum enim vero tu, optime Vir, & venerande Senex, vivus tantae possessionis gaudio frui, illamque in communem aperire usum, non satis habuisti. Naturae debitum, mortalitate extuta, posteaquam persolvisses, erudito tamen orbi prodesse, & meritam ab eo gratiam capere, ac simul, ne, discerpta supellectili, tuae existimationis memoria pectoribus, ut fit, efflueret, atque oblivione evanesceret; cordate, magnoque animo cavere adnissus es: tibi que tam sapienter consulenti suae, qua apud te valebant, auctoritatis calcar subdiderunt amplissimus vir, desideratissimus Delphensibus consul, Academiae curator, litterisque patronus, **ARENTSIUS DUSSENUS**, tuusque popularis, ac reverendum nostri corporis membrum, clarissimus **JOANNES ESGERSIUS**. His igitur auctoribus atque impulsoribus inductus, ultroque sciens, quam perennem divinus **JOSEPHUS SCALIGER**, & praestantissimi viri **WARNERUS**, **PERIZONIUS**, **RAVIUS** prolixis in Athenaeum Lugduno-Batavum liberalitatibus sibi pepererint laudem, testamento mandasti, ut praeter censam autographarum epistolarum farraginem, praeter **JANI BROUKHUSII** apocdota, & pictas aliquot summorum hominum imagines

lapidea supellex integra ad hanc Academiam veniret. Lubentissime paruerunt; quibus istud negotii dederas, ultimae voluntatis exsecutor, nobilissimus Noortvicani saltus Toparcha, eximiaque bibliothecae dignus possessor, affinis frater **SIMON EMTINCKIUS**, legatoque bene procurando praes, ac per te praefectus **ESGERSIUS**. Leidam devecta, jamque hic rite collocata stat, eoque stat modo, ut, si redivivus spectatum accederes, tuae te donationis haud poeniteret. Primi studiorum Maecenates, Academiae patres consultissimi, tuo beneficio sua responderunt munificentia, & ut rerum dignitati congruente loco publice pateret, per ornatissimum, multisque in Academiam avitamque urbem officiis probe cognitum virum, **DAVIDEM ROYENUM**, curarunt. Tuae, **PAPENBROEKI**, imperatorum, principum, illustrium virorum ac feminarum effigies & simulacra; Tuae Ethnicorum deorum, dearumque statuæ ac figurae, arae, cippi, urnae, anaglypha; Tuae Graecae Latinaeque inscriptiones in novo Botanici viridarii aedificio, ipsoque ejus laxo meditullio, decora fabrica excomto, speciose venusteque positae, vel parietibus innexae, ab incolis hospitibusque visuntur, ac seculis visentur futuris; Tuumque, cui hujus panegyris dicatus est dies, in excelsio nomen fulget immortalitati consecratum. Exsultent itaque, si quid terreni sentiunt, beati Manes, aeternaeque gloriae usura triumphent.

Sed

Sed & vos, celeberrimi atque amicissimi collegae, ceterique Viri Academici, ex animo laetamini, grataque voce amplissimorum Curatorum, & PAPENBROEKII laudem junctim cantate. Hucusque suam felicitatem suamque divitias Hollanda merito jactavit Academia, atque instructissimo cujusvis disciplinae adparatu, librorum cum typis editorum, tum manu exaratorum copia, plantarum, quas oriens generat & occidens sol, ac nuper admodum dilatatus, majoremque partem ampliatus, plenus tamen, nutrit hortus, multitudine; Anatomicis segmentis & praeparationibus, Mathematicis, Physicis, Astronomicisque instrumentis, suo jure superbit, Gymnasiorum nulli cedens, pleraque superans, & cum ceteris concertans. Unum hoc Academicæ dignitati & decori deesse videbatur. Litterata marmora, & religiosæ vel artificiosæ antiquitatis reliquias non poterat ostentare. Hunc, euge! defectum subplevit, hoc ornamentum adjecit, has primitias almae matri Academiae libavit PAPENBROEKIUS, nosque omnes in sui nominis venerationem obstrinxit: Quin etiam locupletes atque harum elegantiarum amantes viros, quos & doctissimos & honestissimos cara (& faxit deus, libera diu felixque!) fovet patria, in sui stimulo imitationem. Utinam tam generosum exemplum, publicis commodis salutare, ac privatae famae, & familiarum honori cum levissimo pecuniae vel hereditariae sortis dispendio utilissimum, sequi, ac symbolam

conferre velint multi! Quod sedulo adhortamur, vehementer petimus, & per omnia Musarum sacra obtestantes enixe vovemus. Qua de re non possum non pronam mea publicaue vota iuvandi praedicare voluntatem, quam in eruditissimo, ac plurimum reverendo viro, PETRO HOLLEBEEKIO, Amstelaedamensi Ecclesiasta dignissimo, laetus cognovi. Ille enim jam nunc, qualiacumque haberet, id genus monumenta, aliquot abhinc annis ex Zmyrna sibi missa, per me Academiae donavit, meamque in meritas sui laudes, ac gratiarum actum, efficacissima illa bonorum incitamenta, elicit vocem.

Interim vestra sorte vos imprimis gaudete adolescentes, dilectissimi Academiae alumni, quosque liberalium artium tenet amor, hilari alacritate gestatis. Ex quolibet celebratarum antiquitatum genere sportulam accepistis, quae suavissimum vestris studiis pabulum praebere possit. Romanos si duces, laureatosque imperatores, & juventutis principes Caesares de facie novisse volupe erit, vestris hunc luminibus eorum aliquot intueri licebit. Si reginas, Augustasque spectare juvabit, in stuporem vos abripiant muliebres vultus pectoraque, faberrima arte efficta. Nec docti viri, si hosce praecoptetis, decurunt. Magisne conspiceret, risuque prosequi varios gentium deos, semideosque amatis? Ecce! Jovem Serapidem, Apollinem, Bacchumque, vario ornatum, suisque proprietatibus decoros, nudas Veneres, ala-

alatosque Cupidines pulcherrimos, Silenum, Pana, Faunos, suis insignibus notabiles, Herculem cum Antaeo luctantem, vel aureis Hesperidum pomis superbum, dominam denique Urbem, Fortunam, Salutem, Abundantiam & Nehalenniam deas, horrendumque Oceani cum suis piscatoribus caput vestro examini subjicient Papenbroekiana, nunc Leidensia marmora. Romulidarum tropaea, paludamenta, thoraces, togasque, Graecorum pallia, feminarum peplo & stolas, multimodam & elegantissimam capillorum posituram si considerare vobis libebit, habetis hic, quod pluribus diebus oculos pascendo, mentemque occupando aut recreando largam sufficiet materiem. Si severiore indole ac disciplina fitis, & plus anaglyphorum, ararum, tumulorum, [in quibus eminet unica cis Alpes, & sumptuosissima Marcelli, Romani Episcopi, annoque vulgaris aerae trecentesimo decimo defuncti, marmorea arca.] & urnarum placeant formae, vel dedicationum, donariorum, ac sepulcrales tituli, patriaeque monumenta; ad satietatem usque vestro satisfacere desiderio potestis. At ea vos illic legere, non me oratorem hic recitare oportet: deque iis, ut vetus & spectatus mihi amicus, acerrimusque Orthodoxae Theologiae vindex, JOANNES HONERTIUS palam nuper commonefecit, alio loco.

D I X I.



